

Deo optimo maximo uni & trino, Virgini Deiparæ, & sancto Luca orthodoxorum Medicorum Patrono. (1776)

# QUÆSTIO MEDICA

Aug 1476

Quodlibetariis disputationibus manè discutienda in Scholis Medicorum, die Jovis 3. Februarii.

M. JOANNE BOUDIN, Doctore Medico, Præsiede.

*An uteri, cum supernis Partibus consensus nervorum intervenerit?*

**N**IL admirari propè res est una, solaque quæ possit facere & servare beatum. Egregiam tamen corporis humani fabricam nemo est qui non miretur. Sed quid ex tam erudito Partium apparatus superbiam capient Homines? In Belluis non minor Elegantia, sensus acutiores, perceptio, quæ ad vitæ commoda & felicitatem sufficiat. Si animæ immortalitatem excipias, ipsas inter & Homines parum est differentia. Eadem ab ovo generatio. Eadem vitæ mortisque necessitas. Partes corporis innumeræ. Inde prima mali labes & origo. Simplicioris etenim machina structura, diuturnior, nec minus admiratione digna, Multiplici contexta artificio citius dissolvitur. Hinc plerique homines in primis vitæ liminibus intereunt, pauci, quos æquus amavit juppiter, vegetâ senectute fruuntur, nemini ferè datum unius seculi stadium percurrere. Vita præsertim in sanguine est. Peculiari cordis & arteriarum conformatione fertur ille ad Partes perenne detrimentum restauraturus. Quidquid in eo subtilius est ac ut ita dicam volatilius ad cerebrum educitur. Vasis lymphaticis, aut venarum ramulis ubique arteriarum sociis, committitur, si quid est feri vel crudi relidum. Interim sanguis tenuior factus, per exiles cerebri cerebellique glandulas profundius irrepens, tandem evadit in spirituum substantiam. Nervis illi tanquam status machina conclusi universas corporis partes subeunt. Præcipua sunt sensus & motus instrumenta; sensus, dum variè ab objectis afficiuntur & undulatione quâdam seu fluctuatione à Partibus ad cerebrum tendunt, Motus contrâ, cum à cerebro ad Musculos impulsus, vi quâ pollent elastica eorum fibrillas adimplendo coërcent & contrahunt. Hæc quæcumque nervorum intervenerit. Illis, partium universi corporis consensus & commercium, sed maxima sane uteri cum supernis partibus affinitas.

**U**TERUS pars est in infimo ventre posita, generationi dicata, membranoſe & fibroſe substantiæ. Musculo ferè similis multiplici fibrarum apparatus gaudet, quarum arte ubi opus est dilatatur & contrahitur. Ejus cum supernis partibus consensus satis superque probant hujus affectus symptomata quem hysterico dicunt. In hoc morbo, si quæ sit uteri culpa, pestiferâ mephitæ velut apertâ pandoræ pixide mille calamitatibus universum corpus frangit & afflicta, sitque generalis pœna privatum ejus scelus. Vide ex peculiari hujus partis vicio quot & quantæ supernis partibus accidant miseriæ. Quàm subito sequantur respirationis difficultas, cordis palpitatio, pulsus obscurus aut nullus, animi angor, spirituum torpor, tristitia, metus, suspiria, gemitus, lachrimæ, quidni dicam functionum omnium perturbatio, ita ut anima ipsa in utero posita sola tot malis corripitur videatur. Hæc omnia si non semper saltem aliquando ab infestissimo uteri veneno accedere quis inficias ibit? Quamvis per simili ferè malorum catervâ crucientur homines in affectu melancholico, huic tamen magis obnoxia virgines maturæ viro, nec non juvenes feminæ vitam degentes thalami expertem, amoris poculo ebria æque bacchantes quibus convenit Venus, duellum dulce & etiam inexpertis tolerabile remedium. Nec silentio prætermittenda frequens paroxysmorum occasio à rerum sua violentum odorazione, sicut ex adverso graveolentium olfactus, nec non grati odores subitus sufficit hystericos tumultus comprimunt, & motus circa uterum conspicuos veluti manu missâ temporis momento sedant. Unde affirmare licet quod quotidiana evincit experientia, quandoque ab uteri labe universam in supernis partibus moveri seditionem.

**I**LLE prorsus audiret almæ naturæ injurius qui ipsam muliebris sexus novercam arbitraretur consultâ operâ venenum morbificum intra uteri terminos inclusisse. Non innatum sed à ferâ colluvie malè moratâ virus illud strenuissimum & molis exigua fermentatione augetur, & quandoque atras pathematis hysterici procellas in universo corpore concitat. Hujus seditionis in supernis partibus causa non vapor ut vulgus imperitum clamat, neque ut nonnullis etiam Medicis placeat, aspirationes venesæ per oculos fungosæ uteri substantiæ meatus ut per ambas ac laterales ejus tubas tanquam per æstuaria ad cerebrum exhalatæ. Illis nullæ viæ ad caput conspicuæ. Obstata solida, & culibet etiam aëris particulæ immeabilis Diaphragmatis & aliarum partium substantia. Edamſi per latentes & hæctenus inauditas corporis nostri feritas ad superna evaderet aura hæc tenuissima, invalidior est ut possit talem in universâ machinâ perturbationem commovere, frustra exemplum atuleris cacochymarum mulierum, quæ eo tempore quo menstruis fordescent, nitidissima specula solo aspectu contaminant, & alia hujusmodi commenta quibus experientia refragatur. Ne etiam putēs innocuo semper utero, copiosissimum sanguinem & flatulentum cum effervescentiâ in vasa pneumonica & cordis sinus irruere, unde vocatâ in partes functionum vitalium animalis facultate, spiritibusque huc illic inconsultè propulsis, omnia affectus uterini symptomata suscitantur. Nocet hysterics plerumque venæ sectio etiam in qualibet parte celebrata, nec minus hoc morbo corripimur picâ & malaciâ affectû in quibus copiosi sanguinis effervescentiam suspicari non licet. Quidquid affert affectio illa calamitatis spirituum vitio melius tribuas.

**S**PIRITUS, Anima veluti corporea quamdiu probæ indolis, nec materiæ cujusdam heterogenæ particulis adulteratur, per bellè quidem fungitur sensus & motus officio. Vel ordinatis vicibus, vel ex voluntatis imperio ad partes fertur, vitalis pro functionibus aut animalis appellandus. Non alia habet à nervis vasa à quibus & ipsæ musculorum fibrillæ nascuntur, Motum itaque partis cujusvis spasmodicum ne timeas spirituum vicio ascribere. Hinc affectus hysterici melius convulsionis nomine designandus non aliam habet à spiritibus causam. Si quid humoris aciduli inter cerebri gyros & anfractus congesti tandem in Nervorum principia emittitur, una secum longè deducunt & fermentatione quâdam commoti, insitit tormentarii pulveris accenduntur ac veluti exploduntur. Inde repetas omnia uterini furoris symptomata quæ sæpius in fonte utero, quieto & inconcussio, universas corporis partes cruciant, quandoque tamen circa Nervorum fines in utero, ventriculo, aut qualibet parte membranosa iisdem explosiois legibus suscitantur. Nec ullam nisi popularem debet movere admirationem universa motus quidni dicam & sensus, in hujus morbi paroxysmis perturbatio, in quibus inordinati spiritus caeco impetu & inconsultâ voluntate ad partes propeant. Hinc primum oscitationes exurgunt, piger ignavos alligat artus languor, fessumque caput se ferre recusat, lachrymis oculi madent, lingua exarescit, aures intra se ipsas sonant, pulsus intercedendi ne quâdam resistat. Acerbius grassante spirituum culpâ, longè petulantior tumultus. Vomitu ventriculus subvertitur, intra præcordia miræ ac insolitæ voces, in diaphragmate & pulmonibus dispnæ, in cerebro mens ipsa obruitur. Inde timor, & silentii comes horrenda tristitia, vel cum risu genuino ingens verborum volubilitas ita ut à plebeculâ operum naturalium ignarâ ægræ Medico minus egere quam exorcistâ videantur. Cuncta tamen quantumvis stupendâ à spiritibus, vehementior confusio & quæ ipsi machinæ ruinam minatur si à cerebri compage & nervorum origine ad partes festinat, levior si à partibus ad cerebrum.

**P**RÆDICTÆ de hysterici affectibus hypothesi non minus conveniunt Medicamenta quibus profigari solent. Lauream obtinent illa quæ hujus texture sunt ut spiritus inordinato motu agitados quolibet modo compescere valeant. Hinc usu acceptissimum urgente ceu imminente paroxysmo graveolentia naribus admovee quorum effluvis non modo deprimitur spirituum explosio sed & morbi materia aliquatenus excutitur. Spiritus, alkaline volatilis nature, iisdem vultu sedari prædiis si ab acidulâ feri colluvie contaminantur, Calculum igitur pones si hoc morbo laborantibus, alkalium æque ac volatilium catervam præsteris. Hujusmodi sunt Corall. Margarit. ocul. cancer. succinum, castoreum, spiritus Armon. salis, quidni dicam & opium quod caute quidem adhibitur in hoc affectu maxime commendatur. Interim cave ne ipse stagnet sanguis inter acidulas particulas veluti coarctatus. Boni fucci alimentis talem consue qualis spirituum generationi idoneus desideratur. Ab alimentis etenim sanguis sicut & à sanguine spiritus propriâ cerebri configuratione elicitur, per nerveos canales ad uterum & partes corporis universas deducendus.

*Ergo uteri, cum supernis partibus consensus, nervorum intervenerit.*

DOMINI DOCTORES DISPUTATURI

M. Ambrosius-Nicolaus Chemineau.

M. Andreas Enguehard, Professor Regius.

M. Josephus Thomasseau.

M. Ludovicus Peirier, Chirurgia Professor.

M. Petrus Bonnet Bourdelot, Medicus Regis perpetuo ordinarius.

M. Joannes-Baptista-Renatus Moreau, Professor Regius.

M. Renatus le Comte.

M. Franciscus Afforty.

M. Franciscus Pajot, Ant. Sch. Mag.

Proponebat Parisiis DANIEL TAUVRY, Cœnomanensis Lavallæus, Baccalaureus Medicus. A. R. S. H. 1695.